

श्री स्वयानन्द जी के अर्पण



प्रेम रस
कांशिर लीलाय



प्री० एन० जट्ट (रास्तगो)

CC-0. Narinder Safaya Collection. Digitized by eGangotri

गणेश घाट निवासी श्रीनगर

लीला नं० १

आदि देव गणपत चोन ध्यान दारय
जारय पारय वोज ।

वलबा सहित छुक मूशक सवारय
जारय पारय.....

प्रत धर्म कारयन मंज चान वारी
पारी लगयो बो

गज मुख छुक च मूला दारय
जायर पारय.....

विघनसनाश करन बोल छुक गणपत
पत २ च्य सारी दीव

छिय करान अस्तुतो गजिन्द्र हारय
जारय पारय.....

असरन त राक्षसन छुक च गालवुन
पालवुन जगतस छुक

कलप वृक्ष भक्तयन छुक शहजारय
जारय पारय.....

नमस्कार बवनय गौरी पुत्रय

वथरय पादन पाद

ईक दन्त चुत्रभुज छुय आधिकारय

जारय पारय.....

माययि सरपन उल मुत छुम नाल

जाल मंज मक लाव च

कर क्षमा पापन बखशन हारय

जारय पारय.....

छुक बुड दयावान ही दया सागर

वरदित च संकट कास

काँह द्रावन खाली चानि दरबारय

जारय पारय.....

बति चोन दास छुस विघन हरनारत

प्रारय ब कोता काल

टोठतम गणपत गणपत यारय

जारय पारय बोन

लीला नं० २

इमन चान पाद छिय सनान राजरानी ।

तिमन परम पदवी बनान राजरानी ॥

पादन पनन्यन तल रछान भक्तयन ।

असरन नाश छक करान राजरानी ॥

तिमन कति करार च्य रुस्त मांज भवानी ।
 इम चोन लोल छिय बरान राजरानी ॥
 अज्ञान च म्य गट छम च म्याँन मोज छकना ।
 कृपाय सोत अन्यन गाश अनान राजरानी ॥
 करान छक तिमन दादिनय च दवा माज ।
 इम दांद कुनि छिन बलान राजरानी ॥
 युद वय अरुत अरचर सोत इयि ।
 मंगान ई तीय छक दिवान राजरानी ॥
 जगत माता छक च पालवन जगतस ।
 च मांज अस्य चाँन संतान राजरानी ॥
 च्य धन दयार धुन मंगान दास मांज भवानी ।
 मरुन गछ गीत चाँन ग्यान राजरानी ॥

लीला नं० ३

च शमह छक बु छुस परवान चोनय ।
 म्य रुटुमुत मांज छुम दामान चोनप ॥
 चवान छुस लोल मस्त रातस त दोहस ।
 ब कुत गछ त्रावथी मयरवान चोनय ॥
 छु मरवमूर मस्त ललवान लोल साँतिन ।
 हृदस मंज पाँद चाँन देवान चोनय ॥
 ब शरमद छुस च्य क्या अर्पण करय मांज ।

इ सोख्य पान व्याधि जुव जान चोनुय ॥
 कृपा दृषी च करतम कपा गछी कम ।
 छू बुड दरबार आलीशान चोनुय ॥
 ग्यवान गुण चाँन ब्रमा विशनु महेशिय ।
 छु डेडी गणपत प्यठ दरबान चोनुय ॥
 चलान छिस दुःख त दोद मुक्ती बनान छस ।
 यमिस अनुगृह मांज सपदान चोनुय ॥
 तरानय गीत चानी मांज भवानी ।
 ग्यवान कमि लोल छुय मस्तान चोनुय ॥

लीला नं० ४

सूर मति इरवना यरां २ , पादन ब लगय पार २
 मुच रावतम बरनयन तोर ,, पादन.....
 मुह मायायि मंज फुसुमुत , अज्ञानन बो वलुमुत
 ललवान छुम पापन बोर ,, पादन.....
 बब मांज बांधव ब्ययि भांय ,, काँह काँसि सांन नोआंय
 द्राव कुस अजताम कस सांर , पादन.....
 कांसी नो रूट चोनुय पय ,, योगी ज्ञानी साध गय
 मायायि निश चानि हार २ , पादन.....
 छु इमन पोज राग चोनुय , सुख दुःख नातिमब जो नुय
 तिम छिय न्यथनोन ननदार ,, पादन.....

तावनुन बाजार संसार , अथ संज छुक करान व्यवहार
होर २ गयि बडि बापार ,, पादन.....

घर बार त्राविथ चाल दूर , पानस मथती तिम सूर
इम लोलन चांती मोर , पादन.....

गुलाब हीत पंपोश ,, ब्यल ब्ययि मादल अछि पोश
गेरि बो लागय चार २ , पादन.....

प्रयम सात वुन प्रयमन त , जुव जान करुन अर्पन त
तस शिवस यस वृशब सदोर , पादन ब लगय पार

— 0 — 0 —

लीला न० ५

गछि भगवान सुन्द यच लोल भरनुय

स्वरनुय सुय गछि गरि गेर

राम नाव स्वरनुय भवसर तरनुय

स्वरनुय.....

कयाह करुत इथ यथ संसारस मंज

नारस मंज बठ लांयित च्य

जोनुत न क्या कर कया छुम करुनुय

स्वरनूय.....

राम संज भक्ती गछि चांन करनी

परती अद छिन वेद शास्त्र

राम स्वरनुय गव शास्त्र परनुय

स्वरनुय

अक गव वनुन व्याख गव करनुय

भदती भाव किन अशि पननि सोत

राम पादन गछि मुरवत जरनुय

स्वरनुय

संसार गछि चोन अपजुय जानुन

मानुन पनुन पान कुलिकुय पन

जान हरद काल वाव माछुम हरनुय

स्वरनुय

कालुक भय त्राव बिशय मशराव

पुशराव तमसी रामस पान

रोजी न अद च्य ज्युन त मरुनुय

स्वरनुय

काम क्रोध लोभ मोह गछि प्रयम त्रादुन

प्रावुन अगर छुय थुद आसन

ध्यान राम संदि गछि मन आवरनुय

स्वरनुय " "

लीला नं० ६

चान्यन पादन तल सर त्रोयुम

प्रोवुम परम आनन्द मय

(7)

बुलि मंज नारायण ललनोवुम

प्रोवुम परम " "

साययी संसार यलि म्य त्रोवुम

घोरुम अक राम सुन्दुय नाव

ध्यान करित तम सुन्द आसन दो रुम

प्रोवुम परम " "

राम नाम कुय मन अमृत चीवुम

अद कति लशिहम बोछत त्रैश

पादन तसंदयन पान पुशरोवुल

प्रोवुम परम " "

काम क्रोध लोभ मोह यलि म्य त्रोवुम

रुजस न यथ मनस खोचरच लीश

साधनायि सात अदव्ययि परखोवुम

प्रोवुम परम " "

सत संघसोत म्य पान श्रोचरोवुम

समरण तसन्दे गव मन शुध

भक्ती सातिन राम प्रजनोवुम

प्रोवुम परम " "

लीला नं० ७

जसुदायि दुध चव यम दाम दामय

आमय तस भगवान सुन्द लोल

यस वनान राधेशाम ब्ययि श्री रामय

आमय तस भगवान ,, ,,

कोद खानस मंज युस देवकी जामय

दामय दुध चीन जसुदाये

तंस कृशास सात रास खेलामय

आमय तस भगवान

मुरली वायन गाँव हयत द्रामय

तामय तसपत द्रायस बो

वडनान न्यथन्यन रुदिम न जामय

आमय तस भगवान सुन्द

न्यूनम इम दिल ब्ययि हयस त होश

पंपोस पादन लगना तस

शाम रंग प्रयिवुन खुश अंदामय

आमय तस भगवान

हयत गंव गोपीयन सात कृष्ण द्रामय

शाम रंग सिरयि जन प्रजलाम ओस

राधाय सातर राधेशामय

आमय तस भगवान

वन्य म्य दितमस शहरत गामय

आमय न अथिसु अथसय मंज

हृदयस मंज पतव म्य वुछामय

आमय तस भगवान

बूजुम नन्दलाल माइयि योपार

टोर म्य लूसिम करवछहन

धरि मच ब द्रामच छस सरिशामय

आमय तस भगवान

बुसिर कुम खयब कृशानन सुधामुन

(9)

युस नून भवनन हुन्द राज ओस
कोताह टोठ ओस कृशस सुधामय

आमय तस भगवान
गोपोयन हंज हिश कुस करि भक्ती

मुक्ती प्रावनस मा लजिक तार
खुश गोख भगवान प्रोवुक परम धामय

आमय तस भगान
गोकल मथराय सोजस पैगामय

नामय हटिके रत लेखस

प्रेमस तस रुस्त छुन आरामय ॥

आमय तस भगवान सुन्द लोल ॥

लीला नं० ८

संसार सुदरस क्यथ वो तरह

तारदिम भवसर ही महादेव
जंजाल गृहस्तकि उनमुत छुस अर

तिलवान दाँद छुस म्य मुकलाद
कम कया चय गछी ही म्यानि ईश्वर

तारदिम भवसर
मायायि संसार जोनुम म्य घर

दर लुगुमुत ममताय रजि वो
मोह फाँस चटतम म्य परमईश्वर

तारदिम भजसर
शिवर नाव यलि मन किन किन ब सुर

तरि भवसरसय प्रेयस अपार
पोश पाद चाँन रटित चीर शंकर

तार दिम भवसर ही महादेव

कासतम कालभय छम म्य थर २

तारदिम भवसर

पजिमन समरण यलि वो चान कर

अर्पण च्य करय सौख्य पान

रोजि कति अद ज्युन व्ययि म्य मर २

तारदिम भवसर

अरुत वनान छुय च्य कमि ओमचर

हर म्यनि हरविजि करतम सहाय

अचत म्यानि बर च कासतम म्य शर

तारदिम भवसर

लीला न० ९

छुस वो चोन दास नारायणय

वोशरण च्य आस नारायणय

नाश करुत रावनस राज द्युतथ विभीशनस

सीताय वनवास नारायणय

यलि आरख भगवान कृष्ण औतारी

ह्युतथ कंसस कसास नारायणय

प्रह्लाद रुछतन हरनिकशप गोलथन

थम मंज काल द्रास नारायणय

आरत्यन त भगवान भवसर तारान

योहि छुम विश्वास नारायणय

वरतल आस दास दिल फुटती बो
संकट म्यनि कास नारायणय
उन छुस गछ कोत वथ म्य हावतम
नाव ह्यत चोन द्रास नारायणय
इम जोन संसार भ्रम त अप्रजुय
तम दोर सन्यास नारायणय
न्यरमिम अछवट अन्द्रिम मुचराव
तस वनुक सूरदास नारायणय
गीत ग्यवान चोनी इमि ससार गय
कम कम कालेदास नारायणय
गोपी बनित प्रयम सनित राग चोनुय
च्य सोत खेल रास नारायणय

— 0 —

लीला न० १०

कर चलयम अनिघट कर इयम म्यगाह
प्रकाश हावतम ही महादेव
कर क्षमा पापन छम चोनी आश
प्रकाश हावतम
चय करहम अथरुट च्य तुलहम थुद
याम नजर दासस च बाबक म्यद

ताम गछि म्यान्यन पापन नाश

प्रकाश हावतम

काम क्रोध लोभ मोह आसिम चोर यार

इहन्दि संझ सांतिन गोस गिरफतार

कर दया म्य मुकलाव छुमन बरदाश

प्रकाश हावतम

अनिघटि वान दिवान छाँडान च्य

वति वति नाद बो लायान च्य

छुक तल पाताल किन आकाश

प्रकाश हावतम

छुस पशेभान वो वुछत म्योनहाल

कर दया चट म्य मोह माययि जाल

आश छमा चानी म कुरुम निराश

प्रकाश हावतम

वैराग दारित त्रावि संसार

संसार विशयन यलि दिय नार

यस चानि दर्शनुक आसि अभिलाश

प्रकाश हावतम

संसार सागरस मंज म्यान नाव

गयि ईरह याम आस माययि वाब

मन हांज चंच्यल गायि पाशर

प्रकाश हावतम

कूत काल प्रारः दर्शतसय
 चुन थकुस तसलो दिवान मनसय
 मारय पान वुन्य छुमन बरदाश

प्रकाश हावतम

पार्वती कुमार सोत गणपत
 छुक मखमूर भंगि शीरा चत
 बिहित छुक सूरमति प्यठ कैलाश
 प्रकाश हावम ही महादेव

लीला न० ११

हरि हन्दि तोत थव कन बोलबोशन
 गोशन नन्द लाल गुयना म्योन
 अन होशन मंज असि बेहोशन, गोशन नन्दलाल
 छई जान च चलुक असि त्राथि
 तकसीर क्या सोन गोस क्या गुय
 सर्व शक्तिमान छुय हाल सोन रोशन, गोशन नन्दलाल
 मुरलो बाईत दिल कतरावित
 त्रावित चलुक असि मंज जंगलस
 दोश क्या लदुत च्य असि निर्दोशन, गोशन नन्दलाल
 कस हयकव अस पनुन हाल दिल बावित
 त्रावित घर बार प्रोवुक चंय

निरापराधन क्याजि छुक च रोशन, गोशन नन्दलाल
 अन्दरी सोन फुट गव असि अनिगुट
 हुट हुक असि च्य नाद लाय लाय
 कर अस देदान प्रयमकि जोशन, गोशन नन्दलाल
 गोपी त गांव छय कृशण च्य छारान
 हारान चशमव अशिकनि खून
 प्रछान पय चीन शालन खरगोशन, गोशन नन्दलाल
 राधा छय मच देवान गामच
 पेमच बेहोश करान मन किन
 प्रेम सात कृशणरस मालय पोशन, गोशन नन्दलाल
 भक्ती गोपियन हंज बुद्धित सु भगवान
 गोमुत युस ओस अन्तदरध्यान
 दर्शन दयुतनक छय न तिम तोशन, गोशन नन्दलाल
 देवी देवता सारी गयि हर्षस
 वर्षा करहस पोशव सात
 अम्बार खात गुलाबन पंपोशन, गोशन नन्दलाल
 देवकी निश जाक जसुदाय निश गोख
 मारथन पूतना त कंसासुर
 वालान छुक कृष्ण मद मद होशन, गोशन नन्दलाल
 कति अन तिम न्यत्र बुछ हत नन्दलाल
 जाल संसार मंज प्रयम कडतन
 करदया दयावान म्य हिव्यन मनुषन, गोशन नन्दलाल

लीला नं० १२

दिल फुटिती आय । असिभाय चानी
 हृदयस मंजबाग छम । जाय चानी
 दर्शुन टाठि हाव । मस म्य मंदाछाव
 बुछहल पुत छाय । असिभाय चानी
 दयावान असित हाल । म्योन जानित
 लोगुत बे परवाय । असि माय चानि
 छोंडमक कयि २ । मति कति इक अथि
 शहलाग लोल काय । असि माय चानि
 कर इक च म्यकुन । गोमुत छस उन
 चशमन फटम्य लाय । असि माय चानी
 छुय भ्योन दावत । लउलि मंज सावत
 करय लुलमत लाय । असिभाय चानी
 सारनी च टोठान । असि कयाजि रीशन
 वन त म्योन क्य पाय । असि माय चोन
 छुक दया सागर । मुचराव हक बर
 कलि आशाय आय । असि माल चान
 चय चोख तै । बय गोस च्यतैय
 छयुन दुन हुन्द न्याय । असिभाय चानी
 बुछमय संसार । व्रम त बोझिया
 आरदर छु वै पाय । असिभाय चानी

गणपत यारकि गणपत । प्रथमस कास अनिगट
छुकना म्योन हमसाय । असि माय चानि

लीला न० १३

कमि लोल असिआय माज ननबारी । जारी बोजकना
पादन चान्यन अस लगोय पारी । जारी....
आरवल ब्ययि गुलाब छांडय गुपकारी । डलकी भाव पंपोश
तुलमुलि मांज व लागाय चोर चारी । जारी....
छिमलोल भरती म्य अशटारी । इन्तिजारी छुसकरान
कर दिक म्य दर्शुन चलयम बेमारी । जारी....
अषु भुज दुर्गा छक सह सवारी । सरदारी छक करान
सर्व ब्यापक छक च चवापारी । जारी....
इमव माज त्रावय दुनयादारी । नादारी मंज ति जरदार
बुड सरमायि तिमन चान बेकरारी । जारी....
कुल जहानस प्यठ चान सरदारी । सारी च्य शरण छिय
त्रकोटी देवता च्य दस्त बदस्त सारी । जारी....
सोरुय इ संसार भ्रम बाजगारी । नापायदारी छस
कम २ योगी गयि हार हारी । जारी....
अज्ञानच गट असि छि मूर्ख सारी । चारी फियारी माज
असि छिय
लोल किन माज आय मुचराव तोरी । जारी....
शुर बांच भाइ बंध अपजो सारी । बाजगारी तमाशा

अथ हावान गयि बडि बापारी । जारी....
 चान्यन पादन हुन्द पूजारी । विल जारी म्यान बोज
 बखशन हार छक छकना च आरा । जारी....
 व नय भाज जानय वेद शास्त्र पुराण । ब स्वरान चोन अक नाव
 नख कर वसनम पापन भारी । जारी
 प्रयमन रातस कर बेदारी । हारी पर्वतच हारिये लो
 करतम माजी च पनन यारी । जारी....

लीला न० १४

चान्यन पादन तल व मरये । माज करये जुव जान निसार
 दयव नेरिहम अन्द्रंयुम शरये । माज करये जुव जान निसार
 चानि घर खोत छुम कुस घरये । बरमुचराद छम चान आश
 अरुत अमुत कामि आरचरये । माज करये....
 तुल मूलि छुम चोन मन्दरये । यति पाद चान रटती बो
 पनुन पान तति अर्पण करये । माज करये....
 क्या द्य शभान साडि जालरये । सास भासकर मुख
 प्रजलान
 नाल माल त ब्ययि मुखत लरये । माज करये....
 छय गणडित सोन तागलरये । मछन मछबन्द दसवानय
 नरयन शोभान सोन कछकरये । माज करये....
 लोल पोशन माल ब करये । मुख हावतम चलयम अर्माण
 हरद पन जन नत मा ब हरये । साज करये....

चोन रोशुन बनय माज जरये । छुस ब पापी च रखशुम
पाप

छुम म्य पापयस चोन आसरये । माज करये....

मायाइ हन्दि म्य त्यम्बरये । डाल दया अथ अन अनिस
गाश

चानि दर्शन चलयम थर थरये । मोज करये ,, "

तुल म्य पापन हुन्द समरये । जानवर जन पंख फुटती

तुलुम पननि अथ छुसय बे परये । मोज करये ,, "

भाई बांधब मोल माज शुरिये । इम सारी अपजी छिय
कहम माया यि संसार सरये । मोज करये ,, "

फांसि माययि लुगुमुत ब दरये । छस व छाडान मुक लन पाय
छुय संसार दुःख सागरये । माज करये ,, "

ई छु संसार भ्रम बाजरये । अपुज बापार अध बाजरस
गशि हार २ कम ताजरये । मोज करये ,, "

रातदोह ब लोलचोन भरये । करित चोन ध्यान मनसय मंत्र
चान गुण ग्यवान भवसर तरये । मोज करये ,, "

पाद चानि क्या छि सुन्द्रंय । ललवानप्रेयम हृदयस संज
मूक्ष धामुक दितम माज वरये । मोज करये ,, "

